

docriver 文川网
入驻商家 古籍书城
在文川网搜索古籍书城 获取更多电子书

中國方志叢書·華中地方·第二三五號

據 清·馬步蟾修，夏鑾纂
道光七年刊本

影印

安徽省

徽州府志



成文出版社有限公司印行



中國方志叢書·華中地方·第二三五號

據

清·馬步蟾修，夏鑾纂
道光七年刊本

影印

安徽省

徽州府志

成文出版社有限公司印行



10094161

中國方志叢書·華中地方·第二三五號

據


清·馬步蟾修，夏鑾纂
清道光七年刊本

影印

安徽省

徽州府志

成文出版社有限公司印行



10094162

docsriver 文川网
入驻商家 古籍书城

在文川网搜索古籍书城 获取更多电子书

中國方志叢書·華中地方·第二三五號


據

清·馬步蟾修，夏鑾纂
清道光七年刊本

影印

安徽省

徽州府志



成文出版社有限公司印行



10094164

中國方志叢書·華中地方·第二三五號

據

清·馬步蟾修，夏鑾纂
道光七年刊本

影印

安徽省

徽州府志

成文出版社有限公司印行



10094163

中華民國六十四年 月壹一版

徽州府志

全五册

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

道光丁亥重修

徽州府志

板藏府學尊經閣

重脩徽州府志序

今夫郡之有志非徒覽其山川
按其圖籍供文人墨客輯而
蒐羅之已也有民社之責者必
將因俗而成化有鄉里之望者
必將樹表而立坊懷璟奉之逮

徽府志

序

也而與諸君子共有志焉辛巳
懷璟奉

命守徽州見夫長江千里黃海
障之奇峰異觀不可殫述行其
野則邨墟刻鏤桑麻鋪茶比戶
習絃歌鄉人知禮讓未嘗不蹶

然發憤而興起曰此其俗化之

厚與其鄉先生教澤之長也所

從來者遠矣守斯土者將毋卧

而治之已乎下車後暇與吾宗

峻山先生及其賢士大夫考逸

事訪遺民流覽邑居版籍間有

徽府志

廢而墜者若府大堂為閣郡觀

瞻所係禹王閣自

國初建立堪輿家謂皆徽郡土

風文運所關而傾圮剝落僅存

遺址此非有事茲土者之責耶

若郡志自有宋羅鄂州逮我

本朝趙恒夫先生距數百年先
後纂輯凡夫山川圖籍土俗人
風披是書者如瞭指然宇內脩
志家往往圭臬奉之懿哉茂矣
特是先生距今又百餘年人文
輩出鼎盛輻臻理學經儒在野
不乏其間制度之沿革習尚里
居之轉易遷移亦稍稍有待於
補綴余既治徽之明年與閤郡
諸君子慨然思脩而明之士農
工商無不踴躍議既成旋以量
移鳳陽中止數年來蓋邑邑於

懷而不能以一日釋也馬君漁
山越二年繼莅斯邦與余不言
而心相符志相合邑之踴躍從
公者亦與爾時同此其俗化之
美與其鄉先生教澤之長不益
可想見耶今年春峻山先生以
徽志將成致書告余並及府大
堂禹王閣均已脩舉以為余所
志未逮者越數載而竟成雖去
轍不可留邑之人往往追憶不
置爰囑余一言為序懷璟自念
恩澤無可及民歷政日淺治術

又無可紀復何敢當誠愧誠感
顧懷璟既幸夫有志者事竟成
而又念徽屬人心之厚風俗之
醇至於稍有薄德不忍忘如此
此即凡莅茲土者亦可勸已亦
足風矣其得無一言乎爰略志

端末於首至其書之體例仍依
趙本斟酌損益歸於至當董其
事者有吾宗峻山先生暨郡之
端人正士足以植表樹坊信今
傳後余又何辭以贅焉

道光七年歲次丁亥六月調任

安慶府知府署理安徽寧池太
廣等處兵備道前知鳳陽徽州
府事雲夢程懷璟謹撰



重脩徽州府志敘

徽州在大江之南溪山環峙靈
湫特鍾自晉太康中易名新安
以來代有偉人于江左實為望
郡余曩備官詞垣承乏史職獲
覩儒林傳所列江氏永汪氏紱

戴氏震諸人著述宏富卓二可
傳穆然于紫陽道學之傳歷今
猶在不禁翕然慕之道光癸未
余適奉

命來守此郡簿書之暇用觀民
風因與郡之學士大夫尚論古

人蒐求故實僉謂有郡志在可
以備稽考乃展尋趙給諫吉士
舊志讀之體例雖嚴密而書成
于京師邸舍舛錯漏略事匪一
端且自康熙三十八年以後事
蹟之未及紀者今已百有餘年

遂忤二有復脩之志時 大中
丞長沙陶公奏請纂脩安徽省
志奉

詔許可飭所屬郡邑重脩舊志
以備採擇余深幸得蒞文教振
興之邦兼獲收紳士諮詢之助

且又事會之適符也遂不敢辭
珥筆之勞而又慮經費無所出
用是商諸程退齋封翁啓知
六屬以共襄盛舉旋于甲申秋
奉調潁州乃未克集事而去間
一歲余奉

特旨擢中州觀察使郡守馬君
漁山與程封翁集衆資而繼興
之更成新志凡若干卷歲事之
後以書索序于余余慨然念疇
昔所圖維事垂成而幾廢太守
及封翁之勇于繼事而卒以有

成者匪惟一郡之山川民物俗
尚土風不可泯滅抑亦有志竟
成之一徵也馬君以當代詞臣
出敷吏治踰年之後政通民和
其于化民成俗之意固有古風
而程封翁德望夙隆年日益高

而嗜學益篤延碩彥訪舊聞搜
奇聞幽黜浮崇實精考而博採
以成一郡之信史使新安之規
撫以彰而曩時之文獻益備其
于史才史識方之舊志殆有進
而愈上者矣余慕其任事之敏

程功之速而尤幸余之有志未
逮者藉是得以不廢也爰綴數
言以述其顛末如此
時道光七年歲次丁亥季春之
望

賜進士出身

蘇州府志

欽命河南分巡開歸陳許河務
兵備道前知安徽徽州潁州府
事詹事府左右春坊中允
實錄館提調兼漢書總纂官長
白麟慶撰



重脩徽州府志序
嘗攷孔安國尚書序云九
州之志謂之九壘言土地
所生風氣所宜皆聚此書
周禮地官土訓掌道地圖
誦訓掌道方志自古志乘
之任實昉於此矣
天子御極之五季
詔輯皖省通志新安皖之
屬羆地志未脩且百三十
餘載會太守漁山馬君蒞
是邦順羆人士之請開局

編纂書成里中諸君子邳
書問序余取而讀之見其
博采詳撫條分件繫併省
增益皆有據依推太陽節
氣之暑刻舍星占元為之
幽微辨建置則訂楚漢之

卷之二

間誌疆域則補唐宋官後
人建國於郡縣改書藉為
藝文錄臣官闡忠良續科
賜謚諸臣官闡忠良續科
第薦碑官表才雋覈棚民
客藉官杜紛糶紀米船倉

穀官備有無他如戶設貢
賦物產風俗莫不汰其蘇
兼增其闕略釐正其譌舛
體裁完密舊志所弗及已
夫新安有志莫善於羅鄂
州自序官為厲者之書具

卷之三

有微官不同鈔取計簿朱
檢討錫鬯官醕睢簡要目
之莖墩程氏任文獻志實
取材焉今是編出與羅書
可相輔而行不惟省志足
供蒐錄即

國史之志地理志一統彙
筆者采擇彼資信乎體用
明備之書也太守為余辛
未所取士由諫垣外擢政
日有獻惠洽余之鄉郡即
防門與有榮施而諸君子

情散里開釀和錢自供楮
墨付剗相與有成固均
有足多者維乘與梓必恭
敬止綴言簡端余敢自采
文辭哉爰揀其大要而為
之序

道光七年五月經筵日
講起居注官太子太傅
忝英殿大學士管理工
部事務文淵閣領閣事
翰林院掌院學士上書
房行走國史館正總裁

軍機大臣欵曹振鏞撰



有少月元

有少月元

重修徽州府志序

郡邑之有志別星野誌輿圖叅稽興廢之
由綜覈民物之數匪特馳騁文辭誇示雄
富而已蓋期衷諸質實取信未茲俾覽是
編者灼然於山川風俗黎獻典章足以通
古今而資治化焉徽州據浙江上游為江

徽州府志

七

左名郡山水奇秀人才代興自梁時蕭綦
王篤權輿作記嗣是唐有歙州圖經宋有
李宗諤新圖經惜其書俱久佚而敘述簡
明引據典覈則有羅鄂州願之新安志在
余昔承乏史官詳稽志乘獲其書讀之竊
以為一郡之文獻具在於茲信乎儒者之

書不同鈔取計簿也甲申之歲奉

命出守斯郡到官之後諮詢民瘼徵考故
實知郡志自康熙迄今不修者將百三十
年矣前太守龔公履正延歙孝廉汪公龍
重加編纂旋以上計他擢事遂止繼程公
懷環麟公慶皆有志修明亦以遷調不果

徽州府志

七

今余來此不敢令垂成之業廢然中輟於
是請於程封翁道銳日與悉心商榷數月
之間章程甫定遂延郡之碩彥開局於試
院簿書之暇繕閱趙給諫吉士舊志竊謂
摭取雖富而體例未精爰為之補其闕畧
正其訛舛與諸君子斟酌而考訂之書既

docsriver 文川网
入驻商家 古籍书城

在文川网搜索古籍书城 获取更多电子书

成乃以區區增損釐正之意撮其要而序之曰舊志分八例曰輿地曰秩官曰兵防曰食貨曰營建曰郵政曰選舉曰人物而八例之中郵政志宜省也藝文志宜增也曷言之舊志食貨一門僅列賦役物產而郵政分二類一倉局一蠲賑今以倉局併

入營建蠲賑併入食貨而郵政一志可省矣蓋賦役行於豐年蠲賑行於凶年互相表裏皆為食貨良法故西京一代蠲免窮詳而班書不另立門類第散見於食貨志中即徧考諸史亦無以郵政另為一門者史志之體一而已矣倉局雖與賦役相通

然如育嬰養濟藥局之類皆與賦役不類且歷代興置不一更徒無常當與學校公廨同為營建大典此例之可省則省者也舊志不立藝文志凡例云嘉靖志不立藝文一條獨取其有關政要者摘入各門之下蓋一舉而三善備焉一則卷帙不至繁

蕪一則與志無涉者不刊自落一則讀其山川祠宇建置者兩兩印證事蹟自明然亦知史家藝文志中本無文詞乎藝文之作創於孟堅孟堅作藝文志專載書籍卷數而宏博如賈誼董仲舒之策對綺麗如相如揚雄之詞賦亦止載入本傳未嘗混

入藝文也自隋書改藝文為經籍後人遂
歧而二之於是唐人有藝文類聚之作專
輯詩文事實博采無收自是與經籍遂分
道而馳矣新安為人文淵藪自文公倡明
正學代有通人撰述之多無慮千萬卷擇
而錄之一代之文獻在是矣此例之可增

卷之六

三

則增者也至於每例之中各分細目然必
當釐正者亦往往而有如輿地志建置沿
革表中記歷代大事殊為不倫大事一門
史家不另立惟萬季野補歷代史表立三
國大事表實為創例然萬意以三國紛爭
之際不得不然其餘則均不立也一郡大

事寥寥罕見俱已附見於各志之中如賀
齊定縣歛侯景陷新安汪華起兵保郡之
類皆入武備志中隋均土田唐蠲租庸及
陶雅增田賦之類皆入食貨志中改知新
堂為明倫堂改孔子廟像為木主及我
朝頒發學宮匾額之類皆見營建志之學

卷之六

三

校中贈朱子徽國公詔禮部修理朱子祠
及我
朝升朱子於十哲之次之類皆見人物志
之朱子世家中如此則沿革表第紀歷代
郡縣分合之所由來不必牽引大事矣此
其當釐正者一也秩官名志實於史家未

見班史稱百官公卿諸史稱百官者半稱職官者半至秩官二字見國語詳其文義自是周書篇名宜改秩為職以合於史家之體例此其當釐正者又一也兵防志亦不足以該武備新安居萬山之中父老終歲不見兵革然自三國賀齊屯林厯山取勝彰彰史冊嗣後代有武功第以此等大事列沿革表中體例既乖採取亦隘今列兵防武功二類兵防專記歷代防鎮及營汛驛遞諸務武功專記歷代兵革戰守形勢總名之曰武備志以見我朝文事武功並行不悖耳此其當釐正者

又一也至選舉一門薦辟最古漢之明經孝廉茂才諸科皆由薦辟不失古鄉舉里選之法隋唐之間始有進士則薦辟不當居科第之後且科目之外區歲貢一類歲貢二字雖出漢書而我朝分恩拔歲副優五貢則歲貢不足以該諸貢不若改貢生二字較為賅洽且即附入科目中不另為一類此其當釐正者又一也又按人物志首朱子世家倣史公孔子世家之例極有卓識朱子世家之後即宜次以勳烈以紀程汪二公事蹟乃以儒碩列勳烈之前未免重文藝而輕事功矣

且不曰儒林而曰儒碩亦史家所未有至於經濟則官業可該績學風節則儒林文苑可併此其當釐正者又一也若夫八例之外雜志一門不可不立然必諸志中萬不可附之事始入雜志祥異拾遺修志源流三者是也乃舊志復闌入封建邱墓古

蹟書籍寺觀仙釋六類今以封建邱墓古蹟入輿地書籍入藝文寺觀入營建仙釋入人物各從其類絕不牽涉但存三目總名曰雜記不言志者恐牽混也至於先後之次亦不得不畧為變通今亦分八類首輿地次營建次食貨次武備次職官次選

舉次人物次藝文而以雜記終焉子目通共五十有奇雖不敢自信為完善之書而言必準諸古事必核其實庶乎得古人補闕拾遺之旨矣爰不揣固陋而弁言於卷首皆

道光七年歲次丁亥孟夏中浣

賜進士出身翰林院編修 國史館纂修
功臣館提調 奏辦院事戊寅 恩科山
東鄉試正考官掌貴州道監察御史 欽
命巡視西城抽查七省漕糧知徽州府事
加一級隨帶加二級紀錄五次會稽馬步

蟾謹撰并書



重修徽州府志職名

倡修

封河南巡

撫程道銳

歙縣人

纂修

徽州府知

府馬步蟾

浙江會稽人進士

協修

徽州府同

知燕庇

滿洲人白旗人

徽州府通

判徵良

滿洲人紅旗人

徽州府通

判黃九孚

山東單縣人

同修

歙縣知

縣勞逢源

浙江仁和人進士

署歙縣知

縣金鼎壽

貴州廣西人進士

署休寧縣知

縣陳紹型

浙江蕭山人進士

休寧縣知

縣李儀

四川江津人舉人

署歙縣知

縣孫敏浦

直隸鹽山人進士

署歙縣知

縣黃應均

江西豐人

署歙縣知

縣朱元理

廣西柳州人舉人

署歙縣知

縣李書明

山東濟寧人舉人

署歙縣知

縣王讓

河南新鄉人舉人

署歙縣知

縣呂子珏

江蘇武進人

歙縣知

縣詹錫齡

江西安義人進士

績溪縣知

縣王日新

江蘇武進人進士

績溪縣知

縣龔裕

江蘇清江人進士

署績溪縣知

縣王郊

漢軍紅旗人

分修

徽州府訓

導夏鑿

安徽當塗人優貢

廩貢

生朱濂

歙縣人

舉

人余煜

歙縣人

舉

人汪雲卿

歙縣人

舉

人宋因

江蘇吳縣人

附

生馬步瀛

浙江會稽人

附

生沈懋

浙江會稽人

廩

生楊清

湖南湘潭人

原署泗州學

正舒鑿

歙縣人

原任貴池縣訓

導曹鳴鑿

歙縣人

廩貢

生方洪

休寧人

附監

生江忠煒

歙縣人

分校

徽州府教

授朱寵

安徽涇縣人進士

署徽州府教

授戴正衡

安徽霍山人舉人

徽州府 教 授俞焯 江蘇人

歙縣 教 諭錢元熙 江蘇人

署歙縣 教 諭湯崑 安徽人

歙縣 教 諭侯雲松 江蘇人

歙縣 訓 導景溶商 江蘇人

休寧縣 教 諭方崇鼎 安徽人

署休寧縣 教 諭王燮坊 安徽人

休寧縣 教 諭黃蕙友 江蘇人

署休寧縣 訓 導趙惟賢 安徽人

休寧縣 訓 導吳培德 安徽人

休寧縣 訓 導張連城 江蘇人

署婺源縣 教 諭李崙 江蘇人

署婺源縣 教 諭孫得偉 安徽人

婺源縣 教 諭于錫晉 江蘇人

署婺源縣 訓 導胡鏞 安徽人

署婺源縣 訓 導李鴻 安徽人

祁門縣 教 諭錢師康 江蘇人

祁門縣 教 諭游璘 安徽人

署祁門縣 訓 導魯沈 安徽人

祁門縣 訓 導張應揚 安徽人

署祁門縣 訓 導鄭瑤 安徽人

署祁門縣 訓 導姚昌麒 安徽人

署黟縣 教 諭韓正翔 安徽人

署黟縣 教 諭袁楫 安徽人

黟縣 教 諭殷紹伊 江蘇人

黟縣 訓 導薛鳳煥 江蘇人

績溪縣 教 諭趙允恒 江蘇人

署績溪縣 教 諭徐會烜 安徽人

績溪縣 教 諭朱霞 江蘇人

績溪縣 訓 導丁詠 安徽人

績溪縣 訓 導徐成烈 江蘇人

管卷 候選直隸州州 同何大熬 安徽人

監刊 徽州府 經 歷王瑞芝 江西人

經催 徽州府 經 歷張先德 湖北人

歙縣 縣 承劉德紳 湖北人

署歙縣 縣 承丁芮模 浙江人

署歙縣 縣 承黃麟 江西人

徽州府志 卷首 職名

欽 縣 縣

承會敬儀 涇西長

街 口 司 巡

檢李毓瑞 廂藍旗

黃 山 司 巡

檢項國洛 湖南寧

坎 厦 司 巡

檢王 鈺 江蘇上

署 欽 縣 典

史何 瑯 浙江會

署 欽 縣 典

史卓思恩 直隸清

欽 縣 典

史王 浚 直隸大

署 欽 縣 典

史陳竹林 江蘇武

欽 縣 典

史謝廣選 浙江山

繪圖

行州府志

卷一

生鄭逢年 欽縣

同恭

合 郡 紳 士

重修徽州府志目錄

卷首

凡例 圖

卷一

輿地志上

分野 建置沿革表 疆域 封建

卷二

輿地志下

山水 形勝 鄉都 風俗 古蹟 邱墓

卷三

營建志上

學校 壇廟 倉局 公署

卷四

營建志下

城池 水利 橋梁 寺觀

卷五

食貨志

賦役 郵政 物產 土貢並見

卷六

武備志

兵防 武功

卷七

職官志上

郡職官 縣職官

卷八

職官志下

武職官 名宦

卷九

選舉志上

薦辟 科目 進士 舉人 貢生

選舉志下

武科目 武職附 例仕 封蔭

卷十一

人物志一

朱子世家 勲烈 儒林 文苑

卷十二

人物志二

忠義 宦業 武畧 孝友 義行 隱逸 風雅附

卷十三

人物志三

人物志三

列女 節婦、節烈、貞女、貞烈、孝婦、孝女

卷十四

人物志四

流寓 方技 仙釋

卷十五

藝文志

書籍 碑刻附

卷十六

雜記

祥異 拾遺 修志源流

徽州府志

卷首

目錄

主

重修徽州府志凡例

一府志修於康熙己卯迄今將百三十年矣恐文獻之就湮謀士夫而續纂閱兩春秋得八門類曰輿地曰營建曰食貨曰武備曰職官曰選舉曰人物曰藝文撮其大綱綴以子目體例不無少變摭拾務求其詳續貂之請庶幾免焉

一輿地一門冠以分野所以測太陽出入之差推北極出地之度也舊志分野引漢書晉書二條第言丹陽一郡大概且彼時西法未入中國推筭亦少精密今繪圖明示復遵既定協紀辨方表節氣時刻詳細列之

卷之四

一建置沿革關係最鉅今仍從舊志立表而沿革之訛亦詳為訂正一以各史地理志通典通志及元和郡縣志元豐九域志太平寰宇記等書為據較舊志似得其實

一沿革之後次以疆域所以正經界定至到也惟封建一類向附入雜志中不知封建以人係地不以地係人今改盡輿地其所徵引悉本各史紀傳參以羅願新安志程敏政新安文獻志及舊志而山水形勝次之鄉都風俗次之古蹟邱墓又次之

一營建一門首列學校一以敘人文蔚起之原一以仰體聖天子崇儒重道之意也舊志第詳創建遷徙緣由而祀典獨闕今謹遵

欽頒禮部則例補入并取徽郡見行儀注參之而以祭器樂器

焉其書院義學試院考棚等項亦附其后者

一學校之後次以壇廟舊志以祀典命名殊屬朦混今於歷代奉旨勅建之壇廟既詳細登載而民間報功私祀祠宇亦附入焉

一積貯在倉解漕政在官署皆營建之大者故次壇廟之後至育嬰堂養濟院義田義塚等項皆附倉局從其類也

一城池水利橋梁實民生切要之務不可不詳至梵宇琳宮無裨政體但以民間崇奉相沿已久且歷代奉旨勅建者往往而有故以寺觀終之若夫村社報賽之區僧道棲息

卷之五

之字則概勿闕入

一食貨首列賦役其田賦戶口悉照賦役全書及見行條例編次又歷代蠲賑賑濟及民生而我

朝

列聖相承貸施之典不惜煩仍尤為亘古所未有故詳列之以次賦役而以土貢物產終焉

一武備志分二類兵防在前武功次之其營汛驛遞附兵防後

一舊志職官冠以監司竊謂著書必嚴立體例府志所載職官即應自知府以下縣志所載職官即應自知縣以下今

將監司職官表刪去而郡縣職官及武職官仍從舊志續

一文武職官惟載選授題署之員暫行委署者不錄從舊志例也除照舊志排比外續纂職官以各衙門印冊為憑而名宦附著其后

一選舉一門薦辟改隸科目之首科目分三冊上冊進士中冊舉人下冊貢生武科目另為一類武職附之皆次文科目之后

一舊志隸外籍得科目者亦得備書今仍舊例惟卷帙浩繁又蒐採未能完備除進士舉人外但取拔副優之隸外籍

徽州府志

卷首

凡例

三

者書之而恩貢歲貢不載云

一貲郎納粟古來不乏名人凡例貢監生已登仕版概從通考資選之名書之由吏員出仕者亦入焉統名曰例仕以

其官之尊卑分類詮次其未經實授者惟特賜及以議敘得授職銜者得書餘皆不錄

一錫類之典臣子所榮故選舉一門終以封蔭凡合選吏材之已莅任者其封蔭亦得備書

一人物一門昔人謂修史有權修志無權儒林文苑等目可不必立但舊志業已分類未便渾而一之今畧加增損分

十四類首朱子世家次勲烈次儒林次文苑次忠義次宦

業次武畧次孝友次義行次隱逸次列女次流寓次方技次仙釋其所登載悉本史傳及各志所載其傳志所無而其人已往事蹟言行卓卓可紀者必輿論咸服確有考證方為採錄見存者不在此例

一列女一門舊志分代總敘今照 憲頒安徽省志條例分四類曰節婦曰節烈曰貞女曰貞烈而以孝婦賢淑附焉每類中已旌者在前給匾額者次之年例已符待旌者又次之

一藝文志專載書籍而金石附之其詩詞文章概不闡入從班固漢書例也詩詞文章有關典要者附各門下從舊志例也

一志分八門門有細目可謂詳矣然或無類可歸或望流不免則另立雜記一門詳異在前拾遺次之修志源流又次之

一每門所引書籍必注明出自某人某書見非杜撰舊志不注出處易起後人疑義今每門每條一一注明庶幾不至內莽承襲

一行款須歸畫一是書繕寫凡正文俱低二格有應行擡寫者均分別出格頂格以昭敬謹至如門類下所附 圖說諸公碑記其出格頂格不論時代均照原文擡寫

一 是書之成較舊志而三倍焉竭二載之力集眾人之長雖
條理秩如已若在網之綱而蒐羅未備難成無縫之衣糾
繆訂訛尙俟君子

扶州府志

卷十

凡例

三



docsriver 文川网
入驻商家 古籍书城

在文川网搜索古籍书城 获取更多电子书

徽州府志卷首

圖

按周禮大司徒掌天下土地之圖周知九州之地域廣輪之數鄭氏注云土地之圖若今司空郡國輿地圖蓋漢蕭何收秦圖籍以知天下阨塞廣遠至後漢乃有司空郡國輿地圖故鄭氏云然然則郡縣之有圖由來久矣廣輪云者馬季長謂東西為廣南北為輪圖以志道里別方隅可也而夸飾山川鈞樞名勝於古無稽然舊志相沿匪伊朝夕而徽郡山水甲於東南故於城垣官廨學宮書院山阜水源之外仍繪黃山白嶽諸勝境以當臥遊云爾

徽州府志卷首 圖

